



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აბას II



აბას II

აბას II (1633-1666), ირანის შაჰი (1642-66) სეფიანთა დინასტიისა. სეფი I-ის ძე. ცდილობდა განეხორციელებინა აბას I-ის დამპყრობლური გეგმები კახეთის მიმართ. მისი ბრძანებით კახეთში დიდი რაოდენობით ჩაასახლეს მომთაბარე თურქმანები, რამაც გამოიწვია დიდი სახალხო აჯანყება (იხ. კახეთის აჯანყება 1660). ა. II-ის დროს ირანის პოლიტ. და კულტ. სარბიელზე მრავალი ქართვ. მოღვაწეობდა: სპასალარი როსტომ-ხან სააკაძე, მარვის მმართველი ასლან-ხანი, დერუნის ოლქის (ხორასანი) მმართველი ქაიხოსრო-ხანი-როსტომ-ხან სააკაძის დისმაცილი, ადამ სულთანი ანდრონიკაშვილი, ისპაანის ტარულა ხოსრო-მირზა (1618-32; 1632-58 ნომინალურად), ტარულას ნაიბები (მოადგილები); ფარსადან გორგიჭანიძე,

პაატა-ბეგ გურჯი და სხვ.

წყარო: მოპამედ თაპერის ცნობები საქართველოს შესახებ. ტექსტი, თარგმ. და შენიშვნები 3. ფუთურიძისა, «მასალები საქართველოსა და კავკასიის ისტორიისათვის», 1954, ნაკვ. 30;

ლიტ.: ფ უ თ უ რ ი ძ ე ვ., ქართველი მოღვაწენი ერანის კულტურულ ასპარეზზე, «ანალები», 1947, [ტ.] 1.

ღ. კაციტაძე
